

PROCESVERBAL- Tipi i kontratës - Shërbime

**PËR ARGUMENTIMIN DHE MIRATIMIN E SPECIFIKIMEVE TEKNIKE DHE
KRITEREVE PËR KUALIFIKIM**

(Ky procesverbal është për efekt publikimi bashkë me dokumentet e tenderit)

OBJEKTI I PROCEDURËS: “Siguracione Automjesh”

**KODI PËRKATËS NË FJALORIN E PËRBASHKËT TË PROKURIMIT(CPV):
66514110-0**

Numri i referencës së procedurës /Lotit: REF-45855-04-23-2025

**VLERA E FONDIT LIMIT: 1.426.453 (Nje milion e katerqind e njezetete e gjashte mije e
katerqind e pesedhjetë e tre) lekë pa tvsh.**

Në bazë të nenit 21, pika 2, të Ligjit nr.162/2020 “Për prokurimin publik”, nenit 2, pika 2/c dhe nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik” (i ndryshuar), autoriteti/enti kontraktor, Prokuroria e Posaçme Kundër Korrupsionit dhe Krimit të Organizuar ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

I. KRITERET E VEÇANTA TË KUALIFIKIMIT

1. Ofertuesi duhet të paraqesë:

a. Formularin Përmbledhës të Vetëdeklarimit, sipas shtojcës 10;

b. Sigurimin e Ofertës, sipas Shtojcës 3;

2. Ofertuesi duhet të paraqesë:

2.1. Kapacitetin profesional të operatorëve ekonomikë:

2.1.1 Operatori ekonomik duhet të paraqesë Licencë të vlefshme për Ushtrimin e Veprimtarisë së Sigurimit jo-jetë, në territorin e RSH, lëshuar nga Autoriteti i Mbikqyrjes Financiare.

2.2. Kapaciteti ekonomik dhe financiar:

2.2.1. Operatorët ekonomikë duhet të paraqesin vërtetim për xhiron vjetore për vitet financiare (2022, 2023, 2024), ku vlera e xhiros për të paktën një nga vitet e periudhës së kërkuar duhet të jetë **jo më pak se 40% e vlerës së fondit limit**. Kriteri konsiderohet i përmbushuar nëse operatorët ekonomikë arrijnë

vlerën e xhiros minimale, pra 40% e vlerës së fondit limit, në të paktën 1(një) vit të periudhës së kërkuar të viteve financiare.

2.2.2. Operatorët ekonomikë duhet të paraqesin bilancet vjetore, për vitet financiare **2022, 2023 dhe 2024** të konfirmuara nga administrata tatimore, ku të paktën në dy bilance të njëpasnjëshme, nuk ka raport negativ ndërmjet aktivitetit dhe pasivitetit”.

Përcaktimi i vlerës së kërkuar argumentohet si më poshtë:

Pika 4 e nenit 55 të VKM nr. 285 datë 19.05.2021 “Per Miratimin e Rregullave të Prokurimit Publik” (i ndryshuar), parashikon marzhin maksimal për vlerën e xhiros, që mund të kërkohej në Procedurën e Hapur të Thjeshtuar, perkatesisht; Pika 4 :*Vlera e xhiros së kërkuar në këtë lloj procedure prokurimi nuk mund të tejkalojë 40% të vlerës së përlogaritur të kontratës, sipas parashikimeve në nenin 43, të këtyre rregullave*; Autoriteti Kontraktor duke u bazuar në eksperiencën e suksesshme të procedurave të zhvilluara më parë, rëndësinë e objektit të prokurimit për mbarrëvajtjen e punës si dhe hyrjes në marrëdhënie kontraktuale me operatorë ekonomikë seriozë në treg gjykon se është e pershtatshme vendosja e kriterit të marzheve maksimale të përcaktuara në Legjislacionin dhe Rregullat e Prokurimit Publik.

Përcaktimi i viteve të kërkuara për paraqitjen e vërtetimit të xhiros vjetore është bërë bazuar në nenin 43 të VKM nr.285, datë 19.05.2021 ”Per Miratimin e Rregullave të Prokurimit Publik” (i ndryshuar) ku përcaktohet se: *Autoriteti/enti kontraktor, për të provuar kapacitetet financiare dhe ekonomike, kërkon kopje të deklaratave të xhiros vjetore të realizuar nga operatori ekonomik dhe, sipas rastit të xhiros që mbulon kontrata, për një periudhë maksimumi deri në 3 (tre) vitet e fundit financiare*; si dhe nenit 13 të Ligjit nr.8438, datë 28.12.1998 ”Për Tatimin Mbi të Ardhurat” i ndryshuar, ku përcaktohen kushtet dhe afatet e dorëzimit për deklaratat individuale vjetore e të ardhurave.

2.3 Kapaciteti teknik:

2.3.1. Operatori ekonomik duhet të paraqesë dëshmi **për shërbime** të mëparshme të ngjashme, të kryera gjatë tre viteve të fundit nga data e zhvillimit të procedurës, në një vlerë jo më të vogël se 20 % të vlerës së së fondit të limit të përlogaritur të kontratës që prokurohet dhe që është realizuar gjatë tri viteve të fundit, nga data e shpalljes së njoftimit të kontratës.

Operatori ekonomik për përvojën e mëparshme duhet të paraqesë vërtetime të lëshuara nga një ent publik për përmbushjen me sukses të kontratës, ku të shënohet vlera dhe afati i përfundimit dhe fatura tatimore të shitjes, të **plotësuara sipas kërkesave të legjislacionit** në fuqi ku shënohen datat, shumat dhe shërbimet e realizuara.

Ose

Në rastin e përvojës së mëparshme të realizuar me sektorin privat, si dëshmi pranohen vetëm fatura tatimore të shitjes, të **plotësuara sipas kërkesave të legjislacionit në fuqi, dhe të deklaruara në organet tatimore**, ku shënohen datat, shumat dhe shërbimet e realizuara.

Argumentimi: Kërkesa e mësipërme është përcaktuar bazuar në nenin 77, pika 4 të ligjit nr. 162, datë 23.12.2020 “Për prokurimin publik” dhe nenit 55, pika 4/b, të VKM nr. 285, datë 19.05.2021 “Për miratimin e Rregullave të Prokurimit Publik” (i ndryshuar). Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që shërbimet e mëparshme të ngjashme të jenë në vlerën jo më pak se 20 % të vlerës së fondit limit, që është brenda vlerës kufi të përcaktuar në nenin e sipërcituar.

Përcaktimi i vlerës për kontratat e ngjashme është përcaktuar referuar bazës ligjore sa më sipërcituar dhe vlerës së përlllogaritur të kontratës që prokurohet. Me anë të këtij kriteri vërtetohet se operatorët ekonomikë kanë përvojë të mëparshme për procedura të ngjashme me objektin që prokurohet si dhe kanë përmbushur me sukses kontratën për të cilën janë shpallur fitues. Kjo tregon se operatori ekonomik është vazhdimisht i angazhuar në treg me kontrata shërbimi, çka rrit besueshmërinë të Autoriteti Kontraktor se në rast shpallje fitues, ekzekutimi i kontratës do të jetë në përputhje me përcaktimet e DST, dispozitat e kontratës dhe planit të zbatimit të kontratës. Për shkak të rëndësisë që ka vet Autoriteti Kontraktor, llojit të shërbimit objekt prokurimi për mbarëvajtjen e punës, i rëndësishëm për kryerjen e detyrave funksionale të trupës së Prokurorisë së Posaçme, me qëllim që të hyjmë në marrëdhënie kontraktuale me operatorë ekonomikë seriozë në treg, me performancë të mirë e të vazhdueshme, aplikojmë marzhin maksimal të vlerës së parashikuar.

2.3.2 Operatori ekonomik të paraqesë Liçense profesionale të leshuar nga Autoriteti Mbikqyres Financiar për kryerjen e aktivitetit në fushën e Sigurimeve ku perfshihet dhe Sigurimi i Automjeteve.

2.3.3 Mjetet me targe **AB221JL, AMMT29, AMMT30, AB988IP**, përveç polices së sigurimit të detyrueshme, duhet të pajisen dhe me policen Kasko, duke qenë të vitit të fundit prodhimi dhe shërbejnë për mirembajtjen sa më të mirë të tyre.

Argumentimi: Kërkesa e mësipërme është përcaktuar në bazë të pikës 1, neni 77, Kreu XI të ligjit nr. 162, datë 23.12.2020 “Për prokurimin publik”, pikës 4/a), neni 41, Kreu V të VKM nr.285, datë 19.05.2021 “Për miratimin e Rregullave të Prokurimit Publik” (i ndryshuar), Ligjit Nr.10076, datë 12.02.2009 “Për sigurimin e detyrueshëm në sektorin e transportit” (i ndryshuar) si dhe në nenin 28, Kreu III të Ligjit Nr.52, datë 22.05.2014 “Për veprimtarinë e sigurimit dhe risigurimit”.

Me anë të këtij kriteri kërkohet që operatorët ekonomikë të dëshmojnë se disponojnë licencat profesionale që parashikohen nga legjislacioni në fuqi për kryerjen e shërbimeve, objekt i kontratës, të lëshuara nga autoritetet kompetente.

Të gjitha dokumentet duhet të jenë origjinale ose kopje të noterizuara. Rastet e mosparaqitjes së një dokumenti, ose dokumente me të dhëna të rreme ose të pasakta, konsiderohen kushte për skualifikim.

II. Argumentimi i specifikimeve teknike

1. Specifikimet teknike

Siguracion TPL

Në kuadër të ligjit Nr.32/2021, datë 16.03.2021 "Për sigurimin e detyrueshëm në sektorin e transportit", çdo automjet që qarkullon brenda territorit të Republikës së Shqipërisë duhet të jetë i pajisur me policën TPL (Sigurimi i Detyrueshëm i Mbajtësit të Mjetit Motorik për Përgjegjësinë Civile ndaj Palëve të Treta).

Përmes këtij produkti, shoqëritë e Sigurimeve mbulojnë përgjegjësinë civile të mbajtësit të mjetit motorik, në përputhje të plotë me parashikimin e Ligjit.

Ky sigurim përfshin mbulimin e shpenzimeve si pasojë e dëmeve materiale dhe shëndetësore të shkaktuara ndaj palëve të treta, për shkak të qarkullimit të mjetit motorik të siguruar.

Primi i sigurimit është 1-vjeçar.

Siguracion KASKO e Pjesëshme

Përmes policës së sigurimit të vetë mjetit motorik KASKO, shoqëritë e Sigurimeve ofrojnë mbulimet në sigurim lidhur me humbjen apo dëmtimin e plotë ose të pjesshëm të mjetit motorik të siguruar si rezultat i rreziqeve të ndryshme.

Përmes këtij sigurimi mbulohen:

- a) Dëmtimet aksidentale: përplasja e automjetit me një objekt fiks ose të lëvizshëm, përmbysja e mjetit motorik;
- b) Thyerja e xhamave: thyerja e xhamave të përparmë, të pasmë, anësorë, të tavaneve të hapur, shkaktuar këto nga goditja e një objekti të lëvizshëm;
- c) Zjarri, rrufeja, eksplozioni: dëmet e shkaktuara nga zjarri, eksplozioni dhe rrufeja;
- d) Katastrofa natyrore: dëmet e shkaktuara nga stuhia, breshëri, dëbora, tufani, përmbytja, vërshimi dhe dëmet e shkaktuara në mjetin motorik nga rënia e objekteve të ndryshme që ndodhin si pasojë e katastrofave natyrore;
- e) Dëmtime në parkim (pa autor): dëmet që pëson mjeti motorik gjatë qëndrimit i parkuar diku dhe nuk dihet shkaktari i dëmit.

1. Në rast aksidenti të ndodhur në mjet gjatë periudhës të sigurimit, shoqëria e sigurimeve e quajtur kontraktues, të marrë përsipër riparimin e mjetit deri në kthimin e tij në gjendjen e mëparshme në një nga serviset e autorizuara prej saj.

2. Dorëzimi dhe marrja e mjetit para dhe pas riparimit pranë servisit të autorizuar të bëhet në prani të përfaqësuesve të operatorit ekonomik dhe të përfaqësuesve të autoritetit kontraktor.

Primi i sigurimit është 1-vjeçar.

NR	TARGA	TIPI	VITI I PRODHIMIT	MARKA	KAPACITETI MBAJTES KG
1	AB 014 HN	AGREGAT	2012	IVECO FIAT	15650
2	AB 835 HL	AGREGAT	2013	IVECO	11000
3	AB 847 HH	AGREGAT	2011	IVECO	10600
4	AB 892 HH	AGREGAT	2011	IVECO	15100
5	AA 158 UI	AGREGAT	2005	IVECO MAGIRUS	13850
6	AA 076 YM	AGREGAT	2008	DAF	16625
7	AA 658 SI	AGREGAT	2001	SCANIA	15340
8	DR 51-30 C	AGREGAT	1988	BERCEDES BENZ	8000
9	DR 82-63 A	KAMION	1993	IVECO	5000
10	AA 316 UM	KAMION	2007	IVECO FIAT	4700
11	DR 69-64 E	KAMION	1991	IVECO FIAT	13335
12	DR 76-39 C	KAMION	1984	DAIMLER BENZ	12540
13	DR 83-41 A	KAMION	1990	IVECO FIAT	8000
14	AA 299 MX	KAMION	2000	MAN	13750
15	DR 85-08 A	KAMIONCINE	1987	IVECO	6500
16	DR 87-09 C	KAMIONCINE	1981	FORD	1700
17	DR 72-43 D	KAMIONCINE	1987	MERCEDES BENZ	7500
18	AA 726 RZ	KAMIONCINE	2003	NISSAN	3860
19	AA 693 OM	KAMIONCINE	2002	FORD	3500
20	AB 349 IR	KAMIONCINE	2015	NISSAN	4500
21	AB 974 IP	KAMIONCINE	2014	IVECO	3500
22	AB 970 IP	KAMIONCINE	2014	IVECO	3500
23	DR 81-58 A	AUTOBOT	1994	IVECO FIAT	10000
24	DR 81-57 A	AUTOBOT	1991	IVECO FIAT	10000
25	AB 221 JL	AUTOBOT	2008	ISUS	5000
26	MTOKARRO	MOTOKARRO	1997	APE 703	800
27	DR 798 C	MOTOKARRO	2003	SHIFENG	1000
28	DR 69-67 E	FADROME	1996	FIAT	5950
29	DR 63-14 D	FADROME	1996	FAI	8150
30	AM MT 29	AUTOFSHESE	2020	BUCHER	2950
31	AM MT 30	AUTOFSHESE	2008	SICAS EUROCLEN	5600
32	DR 69-65 E	ESKAVATOR	1996	OK	4000
33	AB 988 IP	FUORISTRAD	2016	SSANG YONG	4+1
34	AA 166 IX	AUTOVETURE	1999	MERCEDES BENZ	4+1

Argumentim: Në bazë të nenit të 36, të ligjit nr. nr. 162, datë 23.12.2020 “Për prokurimin publik” nenit 15, pika 3/b dhe nenit 41, pika 1 të VKM nr. 285, datë 19.05.2021, “Për miratimin e Rregullave të Prokurimit Publik”.Specifikimet teknike, për shërbimin objekt prokurimi, përshkruajnë minimumin ose tërësinë e elementeve më të rëndësishme përbërëse, që garantojnë cilësinë e kërkuar, dhe që e vlerëson shërbimin si të pranueshme për funksionet e kërkuara si dhe janë në përputhje me parashikimet e nenit 4, pika 38/b dhe nenit 36, të LPP, si dhe nenit 41, pika1 , të VKM nr. 285, datë 19.05.2021, “Për miratimin e rregullave të prokurimit publik”.

Afati i fundit për paraqitjen dhe hapjen e ofertave është:

Data: **05.05.2025; Ora: 11:30**

Vendi: www.app.gov.al

Njesia e prokurimit: